



REPUBLIKA E KOSOVËS

KUVENDI I KOMUNËS-VUSHTRRI

PROCESVERBAL
NGA MBLEDHJA SOLEMNE E KUVENDIT TË KOMUNËS SË VUSHTRRISË,
MBAJTUR MË 6 MARS 2020

Mbledhja është mbajtur në sallën e Kuvendit Komunal, duke filluar në orën 14:10.

Në këtë mbledhje ishin të pranishëm anëtarët e Kuvendit të Komunës së Vushtrris: Abdullah Vojvoda, Agim Bregaj, Agron Perçuku, Arta Ymeri, Basri Menxhiqi, Ermal Lahu, Fakte Dushi, Faton Shabani, Gresa Muli, Habibe Gërxhaliu, Ilmi Azemi, Kushtrim Hyseni, Hajriz Mustafa, Lorik Maxhuni, Mehdi Bejtullahu, Mejreme Ismajli, Nasuf Aliu, Nezir Klinaku, Nurtene Çerkezi-Gyshinca, Sajdie Bajgora, Selim Rustemi, Shkëlzen Feka, Shpëtim Zhegrova dhe Ymer Haradinaj.

Munguan: Ali Januzi, Bahrije Ademi Murati, Fatmire Saraçi, Gentiana Rama, Hysni Gërguri, Melihate Basholli-Latifi, Suzana Sylja, Miljan Bojković, Fitim Halili, Safet Idrizi, dhe Teuta Aruçi Shartari.

Të pranishëm në këtë mbledhje ishin edhe Kryetari i komunës, z.Xhafer Tahiri nënkryetari i komunës z. Besim Muzaqi, komandanti i Stacionit Policor në Vushtrri, përfaqësuesit e shoqatave të dala nga lufta e UÇK-së, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

RENDITE

- 1. Shënimi i 22 - vjetorit të “Epopesë së Ushtrisë Çlirimtare të Kosovës”, si dhe i rënies heroike të Komandantit Legjendar Adem Jashari, Familjes Jashari, Dëshmorëve të Kombit dhe të gjithë të rënëve për liri.**

Nasuf Aliu, kryesues i Kuvendit të Komunës së Vushtrrisë - pasi hapi mbledhjen tha se jemi takuar sot në këtë mbledhje solemne të Kuvendit të komunës, e cila është përcaktuar me agjendën e Qeverisë të Republikës së Kosovës, për nder të shënimit të 22-vjetorit të Epopesë së UÇK-së, gjegjësisht rënies heroike të Komandantit Legjendar Adem Jashari dhe familjes së tij.

Konform nenit 10 të Rregullores të Punës të Kuvendit të Komunës së Vushtrrisë, me të cilën rregullohet mbajtja e mbledhjeve solemne po e hapim takimin e sotëm dhe fjalën ia kaloi kryetarit të Komunës së Vushtrrisë z. Xhafer Tahiri.

Xhafer Tahiri, kryetar i Komunës së Vushtrrisë:

I nderuar Kryesues i Kuvendit të Komunës z. Nasuf Aliu,

I nderuar Nënkyetar i Komunës z. Besim Muzaqi,

Të nderuar anëtarë të Kuvendit të Komunës së Vushtrrisë,

Të nderuar përfaqësues të shoqatave të dalura nga lufta,

Të nderuar familjar të dëshmorëve dhe martirëve të luftës,

Të nderuar përfaqësues të Policisë së Kosovës, të KFOR,

Të nderuar përfaqësues të Bashkësive fetare,

Të dashur qytetarë të Vushtrrisë,

Zonja dhe zotërinj,

Jam shumë i nderuar që sot në këtë seancë solemne, të ju drejtohem ju dhe qytetarëve tanë. Në sot, kujtojmë me përvullësi të gjithë dëshmorët e rënë për liri që sakrifikuuan jetën e tyre në altar të lirisë, por askush nuk sakrifikoi si Mësuesi Shaban Jashari me bijtë e tij, Ademin, Hamzën dhe tërë familjen e tyre që u vranë barbarisht nga forcat serbe në Marsin e vitit 1998. Andaj sot ne po shënojmë ditët e Epopesë së Ushtrisë Çlirimtare të Kosovës.

Të nderuar,

Sot që jemi të lirë e të pavarur, ne marrim mësim shembullor nga vepra jetësore e Adem Jasharit dhe e Ibrahim Rugovës. Që të dy, si dhe shumë veprimtarë e ushtar të Ushtrisë Çlirimtare të Kosovës, me veprat e tyre jetësore plotësojnë mozaikun e Kosovës së lirë e të pavarur. Pra, ne jemi me fat që kemi mundësi t'i shërbejmë shtetit tonë të pavarur, Kosovës, atdheut tonë të dashur. Asnjë individ, asnjë grupim politik, fetar a etnik nuk është më i rëndësishëm se Republika e Kosovës e krijuar me shumë sakrificë nga të gjithë. Tani kur i shërbejmë kësaj Republike, detyra jonë themelore është që të respektojmë ligjin, të ndërtojmë një shtet të drejtë e të barabartë, me mundësi për të gjithë. Një shtet ku ne e fëmijët tanë kanë një të ardhme të ndritur, një shtet që e bënë krenar Adem Jasharin e Ibrahim Rugovën e ne duhet të japim maksimumin tonë që dëshmorët dhe të renit të pushojnë të qetë e gjaku i tyre të jetë dritë për Kosovën. Këto data të bekuar na kujton rrugën e vështirë nëpër të cilën kaluam ne si popull po ashtu kthejnë shpresën për një të ardhme më të mirë për të gjithë qytetarët. Në këto dite, të gjithë ne përvulemi para kujtimit për të gjithë ata që u flijuan për lirinë dhe pavarësinë e Kosovës, atdheut tonë të shtrenjtë që u la me gjakun e dëshmorëve. Sot dhe çdoherë ne do të punojmë që sakrificat dhe gjaku i derdhur asnjëherë mos të harrohet, por të kemi motiv për të punuar drejt, e kështu ti nderojmë dhe respektojmë dëshmorët me punë e ndershmeri. Sot, si çdo herë tjetër, ne ripërsëritim falënderimin tonë të

përhershëm për të gjitha vendet mike që na dolën në ndihmë në orët e ditët më të vështira të historisë së popullit tonë. Shtetet e Bashkuara të Amerikës, vendet e Bashkimit Evropian, si dhe të gjitha vendet e tjera, të cilat ndërhyjnë në Kosovë, dhe shpëtuan popullin e Kosovës nga rreziku i zhbërjes fizike. Shpëtimi i popullit të Kosovës nga forcat e agresorit, pa dyshim, paraqet veprimin më të madh që ka ndërmarrë bota demokratike në emër të humanizmit dhe të lirisë dhe ne do të jemi mirënjohës përgjithmonë. Vendoseshmëria e popullit tonë për të qene të liri beri që bota demokratike të jete në anën tone kjo është merit e të gjithëve që dhanë kontribut në çfarëdo forme që mundën veten dhe nuk kësyen as jetën e tyre.

Të dashur qytetar të Vushtrrisë,

Të nderuar të pranishëm,

Shumë shpejtë Vushtrria do të përruroj sheshin Kolonel Ahmet Krasniqin, e bashkë me sheshet "Hasan Prishtina" e "Adem Jashari", këto sheshe do të ja shtojnë vlerat historike e kulturore qytetit tonë, ndërsa kështu ne përjetësojmë kujtimin për luftën heroike të popullit të Kosovës për liri, kështu nderojmë dhe përjetësisht i respektojmë ushtarët e Ushtrisë Çlirimtare të Kosovës.

Zoti e bekoftë Republikën e Kosovës,

Zoti i bekoftë Ushtarët e UÇK –së, familjen Jashari.

Zoti e bekoftë Vushtrrinë,

Zoti ju bekoftë Ju të gjithëve.

Mbledhja përfundoi në ora 14:21.

Bastri Duraku



Procesmbajtës

Nasuf Aliu



Kryesues i Kuvendit